

Oslobođenje, 28.11.2009.

Za mlade s posebnim potrebama u Zenici

# Gradi se centar za djecu

Ambasador Njemačke u BiH Joachim Schmidt, premijer Zeničko-dobojskog kantona Miralem Galijašević i načelnik Općine Zenica Husejin Smajlović jučer su položili kamen temeljac za izgradnju zgrade centra za rano podsticanje razvoja i ranu intervenciju za djecu s posebnim potrebama u Zenici. Radi se o prvom ovakvom centru u Federaciji BiH koji bi trebao biti završen u ljeto naredne godine.

Ukupna vrijednost projekta je 1,3 miliona KM, od čega Ministarstvo za razvoj i ekonomsku saradnju Njemačke učestvuje sa 810.000 KM, Ministarstvo za rad, socijalnu politiku i izbjeglice ZDK-a sa 120.000 KM, Općina Zenica sa 300.000 KM, a njemačka organizacija Bild hilf e.V. sa 40.000 KM.

"Ideja za realizaciju se rodila prije dvije godine. Ovaj objekat je prijeko potreban građanima regiona, djeci s posebnim potrebama



Foto: M. TUNOVIC

**Njemački ambasador ozvaničio početak radova**

i njihovim roditeljima", kazao je predsjednik Upravnog odbora Udruženja "Humanost" Duško Bulajić.

Schmidt je istakao kako je vlada Njemačke ponosna što je dio pilot-projekta, jedinstvenog ovakve vrste u BiH.

**Mi. D.**